

Ulorianartorsiorfinnik naliliineq

Ilanngussaq 2-mi aamma 3-mi kemiimut tungavissat aamma misissugassanik tiguisarnerup akulikissusii, ilanngussaq 4-mi aamma 5-imi kemiimut tungavissanut aalajangersarneqartut, ilanngussami matumani piunasaqaatit naammassineqarsimappata, saneqqunneqarsinnaapput.

Ulorianartorsiorfinnut naliliineq, ulorianartorsiorfinnik naliliisarnermut tungavissanik tamanut atuuttunik, nunani tamalaani malitassani, soorlu *EN 15975-2: »Imermik imerneqarsinnaasumik pilersuiffinni isumannaassuseq — ulorianartorsiorfinnik ajornartoofinnillu aqutsinissamut ilitseruutit«-ni* allaaserineqartut tungavigalugit ingerlanneqassaaq, aammalu imermik imerneqarsinnaasumik misissuinerup inerneru eqqarsaatigineqassallutik.

Misissugassanik tiguisarfiit tiguisarnerillu akulikissusaat tungavissat aallaaviinut kiisalu allangorarfiinut eqimassusiinilu piffissami sivisuumi pisartunut naleqqiullugit, § 6-imi piunasaqaatit, sumiiffinni ilanngussaq 2 aamma 3 naapertorlugu inermut imerneqarsinnaasumut pitsaassutsimik piunasaqaatinik naammassinniffiusussanik allattuiffiusut eqqarsaatigalugit aalajangersarneqassapput.

Tungavissami ataatsimi ilanngussaq 4 aamma 5 naapertorlugit misissugassanik tiguisarnerup akulikinnerpaaffissaa annikilliniarlugu, misissukkat sivikinnerpaamik ukiuni pingasuni misissugassanik tiguisiffissanit, pilersuiviusumut tamarmiusumut takussutissii viusunit akuttoqatigiinnik tiguneqartartut inerneru tamarmik pitsaassutsimut piunasaqaatit 60%-iinit annikinnerussapput.

Tungavissat, ilanngussaq 2 aamma 3 naapertorlugu tungavissat misissuiffigineqartussat allattorsimaffiannit peerniarlugit, misissukkat sivikinnerpaamik ukiuni pingasuni misissugassanik tiguisiffissanit, pilersuiviusumut tamarmiusumut takussutissii viusunit akuttoqatigiinnik tiguneqartartut inerneru tamarmik pitsaassutsimut piunasaqaatit 30%-iinit annikinnerussapput.

Tungavissat, ilanngussaq 2 aamma 3 naapertorlugu tungavissat misissuiffigineqartussat allattorsimaffiannit peerniarlugit, ulorianartorsiorfinnik naliliinerup inerneru tungavigineqassaaq, tassani inermut imerneqarsinnaasumut puilasut misissuiffigineqarnerisa inerneru inuit peqqissusaat erngup imerneqarsinnaasup qanorluunniit mingutsinneqarnerani sunniutissanut ulorianaatilinnut illersorneqarnerannik uppernarsaaviusut aallaavigineqassallutik.

Misissugassanik tiguisarnerup akulikissusiata annikillinissaa, imaluunniit tungavissap ataatsip tungavissanit misissorneqartussanit peerneqarnissaa taamaallaat pisinnaavoq, pissutsinik erngup

imerneqarsinnaasup pitsaassusaanik ajorseriartitsisinnaasutut naammaginatunuk
eqqoriarneqarsinnaasunik peqanngitsoq ulorianartorsiorfinnik naliliinermi uppersarneqarpat.